

# Urbanette, pewangi Malaysia bertanding di Paris

IDEA bernes, penyampaian jelas, semangat sepasukan yang jitu, adalah ciri-ciri utama yang melayakkan Kumpulan Prior dari Universiti Putra Malaysia (UPM) menjadi juara Pertandingan Loreal Brandstorm 2009 peringkat nasional.

Dengan kemenangan itu, kumpulan anak muda ini layak bertanding ke peringkat antarabangsa di Paris pada 30 Jun ini.

Terdiri daripada Liew Jian Yang, Lim Sze Looi (kedua-duanya jurusan perakaunan) serta Brandon Lim (jurusan kejuruteraan) bakal membawa misi Malaysia ke Paris untuk bertanding bersama-sama pelajar-pelajar universiti dari 41 negara.

Membawa idea pewangi pertama L'Oreal yang dinamakan Urbanette,

kumpulan tersebut turut membawa pulang hadiah pakej pelancongan bernilai RM5,000, hamper produk bernilai RM500 dan trofi pada Pertandingan Akhir Peringkat Nasional L'Oreal Brandstorm baru-baru ini.

Menurut Brandon, kemenangan ini merupakan usaha komited yang telah dilakukan oleh mereka selama enam bulan.

“Kami juga akan membaiki dan membuat penambahbaikan terhadap persempahan dengan bantuan McCann Erikson bagi bertanding di peringkat antarabangsa Jun nanti,” katanya.

Sementara bagi Sze Looi dan Jian Yang pula mengharapkan kedatangan Kumpulan Prior ke Paris bukan sekadar untuk bertanding tetapi merebut kemenangan dan sekali gus

mengharumkan nama negara.

Loreal Brandstorm adalah pertandingan pemasaran yang interaktif dan kreatif untuk pelajar peringkat ijazah di seluruh dunia. Pertandingan ini telah diadakan sebanyak enam kali dan 17 kali di peringkat antarabangsa.

Untuk edisi 2009, Loreal Brandstorm memberi fokus kepada Maybelline New York, cabaran pelajar untuk menakluki wilayah baru dengan mencipta pewangi pertama Maybelline.

Semenjak dibuka untuk penyertaan pada Oktober 2008, sebanyak 47 penyertaan dari lapan buah universiti dan kolej di Malaysia. Pemenang peringkat nasional berpeluang untuk menjadi wakil ke peringkat antarabangsa di Paris pada 30 Jun ini.



KUMPULAN Prior bersama hadiah yang dimenangi oleh Pertandingan Loreal Brandstorm 2009.